

後

湘

詩

集

後湘二集卷第一

桐城姚士望石山書館

古近體詩

丙子過鍾山書院有作寄陳石士編修光律原刑部
鍾阜依然講帳空憑將涕泗灑東風謝公遊屐窮山水鄭
志遺編有異同南國一時耆舊盡西河羣弟服勤終人才
後起知何限深負貽書到阿蒙

千秋學術太紛夸誰識淵源尙一家常恐時賢從末俗妄
持史論乞京華韓歐有道皆知重漢宋分門祇自誇文苑
儒林君莫問大江東去日西斜

海船行

海船之大如小山挂帆直在青雲閒船頭橫臥日杉板板
後湘二集

上尙可容人于我始見船頗疑怪綠梯拾級心懸懸好風
人眾不得駛坐待海月迎潮圓初行金廈猶在眼橫山一
抹如雲烟放洋漸遠不可見但見八表銀波翻日光慘淡
晝無色夜從水底觀星垣水天空濛只一氣我船點黑如
彈丸清晨無風浪千尺何況月黑風狂顛到此心灰萬慮
死呼息莫辨人鬼關舟中海客坐談笑白髮宛宛披盈肩
自言逐伴五十載海中往反當營田西窮紅毛東日本呂
宋祿賴門庭前尸羅飛頭食人穢噏噏空際行天船隨潮
之禾本盈丈徑寸米供千人餐夷王好貨黷無已國中生
死惟金錢就中最富咬啞吧樓居服食侔神仙利重不覺
輕性命往者十七無生旋我問翁今歲如許應多阡陌橫
雲連客言不幸時命乖雖有銀粟無兒孫前年買兒作假

子飲博百萬盡乘捐如今身老無歸處海上風濤竟日眠
我聞客言三歎息世事紛紛那可極我今渡海胡爲乎歌
成海舶淚沾襦

臺灣行

生平常怪方士言蓬壺方丈瀛海間謂是大言証人主世
豈真有三神山幾年作宦來臺灣東過滄海窮烟瀾扶桑
枝紅挂朝日珊瑚樹綠充庭藩澎湖時時出琪樹高者盈
尺聲璆然四時花榮開未歇夏梅春桂冬桃蓮長年暄暖
無霜雪老死不著棉裘瓊山中之人木末處下者亦在蒼
崖巔食無煙火况炊爨男女赤足垂雙環頒律不到周夏
正豈有隸首窮其年洪濛以來到唐宋不與中國人通船
漢初尚未開闢聞粵此乃荒島盤雲烟或者昔人偶泛海飄

風一至疑神仙愚民自誤誤世主妄思人可壽萬千豈知
世界有此境但無藥草能朱顏若令皇武在今世不待晚
歲慨然翻我爲此歌傳世俗沈迷聊破千年闕

登韓氏園最高亭

三年瘴霧變朱顏偶款柴荆欲閉關祇覺山川皆海外不
知身世尙人間秋風白捲寒沙起落日紅依佑船還漫擬
魚龍終變化九重高可許躋攀

贈安道士

塵海千年一飼時金丹未就鬢如絲欲尋舊日蓬壺侶碧
草琅玕又幾枝

蘭臺銅柱兩茫然夢裏猶聞勸學仙底事焚香更惆悵飄
零海外已三年

送鹿春如內渡兼示陳垕村二十韻

春如先余一年被議至壬午夏已三年矣甫以郎
中內調將入京師陳垕村亦以論俸得遷別駕然
及余皆久滯海外於春如之行情見乎辭

盡室南荒外三年大海東飄零爲客異遷謫幾人同漫詠
驅雞政曾聞渡虎風銜

恩到鑿齒問俗極穿胸鹿耳春濤黑雞籠曉日紅珊瑚收
未得薏苡謗何窮旅食徒嗟困愁懷詎有終

聖恩周草木謠誅笑兒童偃蹇吾非傲騰騫爾自雄艱難
相倚濟去住別窮通父老傳

新詔

朝廷闢四聰一時起聾聵百辟進夔龍驥尚鹽車覆金經

卷之二
三
匠石攻憑誰空冀北莫委倚崆峒浩浩乘飛鶴悽悽乍斷
鴻人嫌汲黯憇賦恨子雲工木日消炎瘴高談發困蒙驚
心猶泛梗回首已傷弓不作鷺人泣長懷漆女忠雷聲將
駕浪日撼貝珠宮

酬張霞翥

江東名士各紛紛老去驛馬尚缺羣萬里乘槎人作客十
年話舊我逢君沈酣畫筆多吳會跌宕詩情半楚雲莫問
樽前寥落事海天風雨入宵分

詔宦沈淪竟渺茫離歌一曲欲沾裳詠懷阮籍非關醉好
哭唐衢未是狂已分人呼作牛馬可能天與傲羲皇縱陽
春水鍾山月愁對蕭蕭兩鬢霜

送趙鄒麗

岩父山前暮雨涼
武陵公子言還鄉
輕裝小舟謝祖送
荔枝盡秋葉黃
我初見君在南海
兩少翩翩負文采
十年世事各蹉跎
執手閩中顏色改
吾師勛名早建旄
二十三郡民情陶誓將丹誠報

明主亭亭勁節青雲高
王公大臣容度肅寢處猶是諸生
服執禮郎君日遇庭放言弟子時
前席羨若省覲當及時
我今失怙空銜悲人生骨月不歡聚
富貴紛紛空爾爲延津
八月灘流淺怪石硠砑利刀翦
灘師失色篙工愁上下
船呼人過險閩山閩水不堪行
何似湖湘萬里清憑君此去覓漁父
日夕雁外掣音鳴

宿漁溪寄張泰鴻

廿年爲客縱清狂
薄宦頻添鬢上霜
絕海波濤連地動三

山冠蓋逐塵黃登牀我未逢嚴武授館君真匿范滂何處
聞雞眠不得玉融江外月蒼蒼

臥病

輾轉匡牀骨瘦羸半生心事已乖違病巾始覺身爲客夢
裏頻聞母喚兒萬里關河長鉗在五更風雨短檠散無端
卻憶蘆溝道十七年前馬上時

得馬元伯書喜得歸里聞又有嶺南之遊

馬融不見十經春海外開緘倍黯神謫宦身從黑水塞還
家淚盡白頭親蟲魚訓詁存多少薏苡明珠任贗眞底事
遠遊能不惜更披袒褐向風塵

星蝕月

入夜熒熒一星白含光吐耀精神發誰從海外觀見之飛

來蝕我瑤臺月是時青天萬里明纖塵不染銀河清三台
四輔環斗極妖星敢爾殊堪驚廣寒香風結桂子枝葉青
葱竟何似吳質有斧不驅除紫府仙人應罪爾或言黃河
水氣乘太陰東南北比歲防秋霖不然賊星犯兩曜姦民嘯
聚相侵陵世閒久已無甘石天象淵微那可測

聖人清靜在宮中慎毋妄言干斧鉞

送張霞翥內渡

三絕誰如顧虎頭十年不見使人愁無端海外逢青眼相
對尊前倣黑裘世事沈淪從逝水詩情笑傲寄扁舟獨憐
潑墨爲花鳥又向人閒幾百秋

漫言萬里掣長鯨一夕天涯白髮生未必文章通造化可
能談笑取公卿趙岐自昔傭東海李廣何年守北平皎月

三更邊柝靜倚欄又見斗牛橫

蚤歲

蚤歲功名欲擅奇壯遊橫海絕天涯誰言破浪乘風客又
課垂髫問字兒同輩金蟬誰意氣腐儒門戶自仳離中年
臥病逢淪落一飯難忘憶舊時

自問

天涯何事二毛侵往事難從病裏尋下筆忽如奔萬馬無
家猶自散千金親朋隔絕貽書在父老咨嗟感舊深出處
祇今君莫問夜來風雨抱寒衾

海外較閱

將軍大旆出千營馬上弓弦霹靂聲尚食何能知慷慨酒
徒偏覺意縱橫旌旗閃自雲中暗鼓角驚從海底鳴競道

樓船橫萬里據鞍誰是倚長城

伯印奉使盛京恭篆

高廟玉寶還寄見憶之作

皇圖三萬括華夷遼濬千年作舊畿長白龍飛天下祖混
同神降古來奇東征銘勒殊班固小篆名高邁李斯還憶
惠連寥落甚北風吹雪獨題詩

病中作

六州鐵鑄此生錯百鍊鋼爲繞指柔稷下更無驕子說夢
中猶作杞人憂風催藥熟宵餘火雨帶潮寒夏欲裘海外
此情誰共憶折聲笳吹起邊樓

得家兄伯符書言葬事未就

斷腸骨月死生分哀叫天高慘不聞偷息爲畱身養母買

金華集卷之二
山還葬事貽君貧儒豈作三公計荒殯何艱七尺墳江海
茫茫寒食節九原無處薦靈芬

寄謙弟

賤貧骨月常相棄况是天涯謫宦餘人作鳥言番社熟路
逢鬼笑客囊虛春風有約草先綠海島無方顏再朱別久
莫嫌疎寄語惡懷愁緒不堪書

寄懷胡小東光律原二比部兼呈族兄子卿五官正
星精幾歲降東方執戟何如畫省郎仙署白雲春起草禁
庭明月夜含香翁歸已見移京兆尹鐸猶聞罷晉陽惆悵
天南問遺逸海山烟樹獨蒼蒼

清峻尤憐光比部三年不寄一封書高樓白雪能吟否故
國青山入夢魂結客近知門有雀當筵休歎食無魚聞君

網得珊瑚樹萬里昆明返使車

靈臺百尺倚雲霄

聖德時和玉燭調五緯聯輝珠作貫一星臨極斗回杓官
隆太史猶稱漢論著斯天本自姚底事積尸侵織女牽牛
長恨夜迢迢子卿時

悼亡

次韻馬元伯自黑龍江歸里與劉孟塗朱歌堂小飲
寄懷之作

黑龍江外喜歸來赤嵌城邊氣未頽念我風波窮海角憐
君冰雪過雲堆

殊恩再許金雞放絕域新從絳帳回

元伯在黑龍江將軍奏主講席莫便

偶行傷老大致身終望出羣才

孟塗幾載無消息苦憶歌堂白髮催聞道壯遊曾五嶽可

能得句尙千杯人閒不見劉蕡第地下猶憐小阮才生死
別離無限憶夢魂梁月儻應來

再和元伯至京師見懷一首次韻

桓家兩女乘龍日爲許聲稱共汝賢中外一分歧路轍龍
蛇同厄去官年余與元伯被議俱以辰巳之歲南州名士思劉表左氏遺
經問服虔元伯尊甫著左傳補註多韓服子慎說獨有海東精衛恨哀鳴常
誦蓼莪篇

述憂

人生無百歲八九在憂患仕宦與遠遊紛紛多聚散骨肉
四五人常苦不相見無幾爲歡娛行行復愁歎青蠅滿天
地黃雀動遭彈一朝失我怙寸草自茲斷哀絕平生親生
死不相喚悠悠九泉路杳杳誰與伴衣物永棄捐詩書亦

零亂天涯作寒食萬里方汙漫

天風作海濤六合恣一次巨浸淹北斗何處著大地飄飄
斷梗流溟萍將安致鴻濛忽已遠莫問開闢意苒苒優曇
花葉風偶飄墜一沾道傍汚素質委泥漬蹂躪何足道惜
此天人瑞達哉莊叟論齊物以爲志

長夏忽霖雨騎陽避輕雷飄風溼井幹白石滋莓苔佛桑
紅未休芭蕉綠尤佳起視蘭與蕙何時已先摧羲皇闢苞
符天地相胚胎陰陽有始終序物徒盛衰誰能問消息悠
悠使我哀

至人遊八極搏弄日月光不入生死途甯有哀樂方與化
無終盡何物可頡頏所以老釋徒念此輕侯王或言學不
至時亦有所傷木槿慕大椿鶴鵠效鳳凰物理非一致大

小不相量斯言孰是非萬古終茫茫

曉起有懷劉明東朱歌堂

客久因循慣園荒歲月侵寒花依白日黃葉下疎林豈不
故鄉思其如海水深羊求書尙在啓篋見君心

甲申十月生日作

行年四十顏衰久強半天涯歎離羣臣壯不如今欲老後
生可畏竟無聞衝寒黯黯孤城日匝野冥冥大海雲從古
書生能慷慨一杯遙酌杜司勲

臺灣郡齋紅蕉數株六月放花至十一月強半葉枯
而花未已小鳥時時來啄詩以慰之

玲瓏石畔倚輕紅開落紛紛小院中爲伴愁人聽夜雨那
堪嬌鳥啄秋風芳心密卷終難放綠葉叢殘尙一叢不用

天涯嗟歲晚春風猶在海雲東

望溪端硯歌

方仲懷見贈

望溪舊硯端溪石紫光潤膩方徑尺中有微凹瀆墨痕想見淋漓濡大筆

國朝文章公最殊驥驥似並歐陽驅

聖皇知遇亦已極爲公特免全族誅白衣猶與

承明直

世廟時容參密勿仇直不顧權貴驚聲名况已傾同列有文如公不修史當時相國原同里竟遺班固識崔瑗太息鄂相臨川李摩挲公物如兒公文章憎命千秋同我正含毫得此硯會看吐氣如長虹

別穎齋觀察

人生若浮雲來往往所寄况乃憂患中託身君子契使君
經國彥植身圭璋器綱交重金蘭問言別涇渭臺洋古荒
服

聖代所新置開闢千里疆閩粵賴屏蔽

九重苔守牧惟君實幹濟永念民番憂抗言陳大計簿書
常午夜妻子惜况瘁盜已靖萑苻軍還罷烽燧瑩也江海
人狂直疎世事愧乏鸚鵡才風塵久淪棄吾師開幕府檢
晉閩浙實總制知弟莫若師居常發深喟此非一世才諳
語自韜晦君能置腹心蒙敢恠微技既鼓邯鄲瑟時下雍
門淚忘形到爾汝禮豈爲我輩冬夜非不長語多猶少寐
焦冥遊溟渤自此快心意胡乃遠別離又向長安市陳遵
驛再投徐稚榻幾敝世事甚牽促一朝遂分袂贈我橐中

懨骨月且爲家老親主計中庭靜稚子能書弱女誇一日
便當三日聚不妨終夜笑言譁

猶子相逢泣路隅纔看東髮忽微鬚迎來新婦宜家否歸
去嚴親督過無少小記嘗終歲病零丁我已百年孤異鄉
門戶支非易白髮慈闌賴汝扶

燕山粵水兩茫茫去夏來秋歲月忙赤日馬嘶千里汗青
天雁叫一林霜故園歸及荷香淨驛路愁看柳色黃知否
行人回首處江雲南盡海雲長

閨人蓄婢勸納詩以謝之

兔絲蘿蔓結萌芽翦席匡牀兩願賒愁裏朱顏羞鏡匣夢
中春色憎年華懷香自種宜男艸買笑何須解語讐惟有
婦聞慎調護曉風莫使透窗紗

鑷白髮歌

鑷白髮白髮亂如絲鑷之不可盡愁來無已時前年去年
髮已白三莖五莖猶可摘今年白髮亦太多蕭蕭兩鬢將
如何君不見少陵塗白思昭代途窮叫關泣眞宰牕有梳
頭滿面絲氣衝星象竟安在又不見蕭郎當日淡宮中手
把一片磨青銅宮女如鸞鑷白髮一笑始覺爲人公古來
英雄得意尙如此何況區區失路子王彪讀書賈生哭我
今頭白又何侶吁嗟乎黃金散盡有時來自日西落還東
迴惟有黑頭一白不有復悔不早歲山中斲黃獨

遊鼓山偕張亨甫林梅友汪鐵崖三子繼光小疾亦

欣與焉

曰余厭塵蟄乘暇事幽討侵晨飛雨來城郭烟微渺野水

既平陂嘉禾亦秀好尋源策蒙翳拾級盤磴道澗篠鬱蒼
蕤石蘿莽榮抱不知行遠近蒼翠滿衣屬

邇言陟層巒乃見青琳宮不覺上方高迴首惟空濛雨昏
梵初唱殿古鐙微紅喃喃墻上鈴磓磓廚閒春聊憩謝公
屐來叩元門宗僧俗不可語一笑聞齋鐘

振衣白雲端躡足靈虬窟磴仄憎蒸微崖深驚霧黑陰林
漱虛瀨絕壁坐倒石雲棲既未能豹隱安可得懷古緬前
蹤題名半漫滅獨有靈源在法師不容竭

飄風動長壑暮雨前山改交籠雲霧歸僧房複青靄山蔬
何時熟磽果余方採澗酒開芳顏清言得元解晏公久已
寂晦翁不相待翛然且盡醉忽已忘千載

禪牀了無夢寂寥寒宵深澗澗雨飄澗設謾風吹林檻危

山鬼逼帳冷石氣侵倦僮睡方酣諸子寐何沈眷言平生
愛杳杳不可尋何必晨鐘發悄然憮我心

初陽霽東壁策杖凌高峰途半力已殫坐見全郡雄峻嶺
蹲五虎長橋蟠雙虹勢絕甌越外氣吞滄海東乃知禹服
隘

皇運無終窮嗤彼王氏子徒矜割據功

茲遊旣云疲前勝方未畢山光蕩晴波眾帆漫朝旭樹暖
遠邨烟鳥斷平蕪目僧邀觀舍利叟啓血經檳事愚安足
論興盡輿人促遐哉二三子遂起阿咸疾

舟中暮雨有懷

殷殷前山雷颯颯中洲雨停橈鼈青岑薜荔攀芳嶼芬香
已盈衷水禽復容與時有千里思佳人竟何計

延平曉發

迴風吹雨過前溪殘月斜窺疊嶂西一夜鐘聲疎近遠四
山雞唱亂高低鷗鵠斷夢畱行客杜宇驚魂破曉闔短櫂
是歸仍是別海南江北總淒迷

晚泊延平城下喜張慶齋見過且餽茶筍

我舟日日溪山行滿山竹樹蒼然平何來紺碧耀雙眼陵
空雉堞連飛甍聯騎走蓋達官過鮮魚活蟹風腥生參差
樓觀幾千疊有如浪湧飛華輕天長水遠得此觀雨餘櫂
轉斜陽明心疑雲霧幻山市月所未見喜且驚那知卻憑
五丁力鑿崖駕壑開孤城舟行漸近人語亂晚市初上船
鳴鉦故人何緣知我過握手一笑沙頭迎舟行寂寞貪話
舊翦燭不覺傳宵更苦勸我畱不可住餽我山筍溪茗清

君言官卑意不樂妻孥黃馘難爲情語君且休耐卒歲絕
勝六月余長征試煮清泉看魚眼夜深猶作松風鳴

座主趙武陵公靜坐澄心圖

我雖未窮儒釋書微言頗復識其鑑二家之言億千萬冰
炭了不相涉濡惟有清心欲歸靜此理信不鑿鏘銖浮屠
之法侶簡要人緣世事胥屏除六塵斷盡生六識死灰槁
木寂已枯出戒得定定得慧有如待兔先守株後來禪宗
好頓悟捕風逐影終蹈虛儒家者流貴踐實至理不外塵
寰區倫常日用繙千萬一有條理非紛挈坐酬變動歸悵
當神涌識定惟中樞事勞功半苦不易以此往往廢半塗
武陵夫子儒者徒立身喬嶽青松孤連折聖制數十都事
無鉅細罔或疎心神盡瘁不自惜要使誠至明真吾如公

金石澗不渝猶恐滌雜巾馳驅治心如虎受銜勒稍一放縱難可拘二六時暇卽靜坐檢點有若追亡逋泥滓旣盡始澄澈世間萬事皆泓如觀心自謂得觀我要命良工爲此圖世人著書好嘵舌或有非釋或非儒滿山張弓覓黃雀室中已失明月珠誰能終老事方寸展圖爲公一長吁

題圖後復作一首奉別

大官紛紛擊車轂日望牙旗樹高纛小官攘攘承下風咳唾九天盡珠玉錢多未厭妻孥喜那問蒼生哭茅屋鰥生作計亦大奇感時論事無瞻迴每到快處不忌諱惟師太息優容之功名斗大不道小家貧屢罄千金貲微官旣罷復何語

聖主矜憐猶召取三年僑寄榕城隈老親寡妻未言苦漸

覺雨鬢非少年不知何方立門戶朝來辭別有遠行感公一語丁甯頻官高恩重不得退他時汝勿遲歸耕再拜敢不終身佩志氣年來亦荒廢少陵蹭蹬已無鱗馮婦下車聊攘臂丈夫劇知羞再辱終當結屋龍眠曲

舟中午夢到一園亭有軒池竹石之勝主人煮茗邀客甚殷作詩以贈覺乃僅憶八句遂率成之

小池疊石爲屏風下有古井潛蛟龍遶亭蔣竹華當檻芙蓉未歇芭蕉紅主人愛茶戛愛客煮水共話龍鱗松炎暑不到清晝永夜來冷月深朦朧舟師不解此勝趣一篙驚破笑語濃沙灘水急山雨重三五野碓無人舂

山水大漲舟不得進泊葭葦中遙望斷山一缺登岸攀緣久之得一狹口更百餘步豁然開朗稻田

百頃嘉禾青秀可愛山泉亂響溝渠滿溉四面山
圍綠合竹樹甚茂平疇中起一小山高里許巖谷
天然時雨初晴四山艸香撲鼻野鳥雜色格磔飛
鳴不可名狀裴回經時心甚羨之歸詢舟人不知
地名亦未嘗至也

五月旣半六月前雷雨日作黃梅顚溪行十日八九住水
漲浪高打我船篙師攢眉奴子罵漁頭不進相爭誼披衣
且喜傍緣岸煩惱暫弃聊攀緣亂山合沓徑路絕蜿蜒一
缺差可沿紆迴艸沙衣盡溼狹口過處俄平川天開嶂闊
豁雙眼青疇百頃轟飛泉白鵝綠鴨大如鶴牛羊不牧行
且眠人家三五結茅屋青藤崖畔時炊烟遠山四圍碧玉
嶂竹樹彌望渺蒼然龐眉老人不須杖行走峭壁如猱猿

小鳥種色目未見弄晴格磔飛翩翩崖然小山中特起方湖一鑑擎青蓮嶽寄頗具巖壑勝恨無鐘磬聞遙天但見白雲翳山頂或有吸露人千年我行終年歎塵土何時得構深山椽僕夫走催灘水退出山解纜心慙煎始覺人行太倥偬世閒何處無仙源

苦雨

天公惱人亦太甚五月上灘灘水勁舟子叫罵不肖行急雨橫風吹陣陣蒼蠅飛集不可驅撲面繞鬚使我恨我眉三月航海來人言春水如潑醅無緣忽遭海若怒惡風吹嚮潮陽回日日愁風復愁雨十年行舟無此苦魚龍得意恣羶腥山竹欺人葉飛舞此時無計惟讀書低頭曲背那敢舒忽然奮筆大快意淋漓疾寫不待濡縱橫直欲空四

海詩成風雨爲先驅

守水

小船兀兀如龜趺
守水三日心意枯
夜來莫問添幾尺
昨日艸頭今已無
不耐更與舟人叫
奴子僵臥朝至晡
我亦疎慵好作睡
愁多夢境皆模糊
醒後特復弄筆墨
顛倒李杜傾韓蘇
山神憐我苦寂寥
蟲吟蛙噪動四隅
自知無人更酬唱
艸根水際相和喟
山鳩何事亦不樂
喚晴逐婦猶追呼

後湘二集卷第一終

後湘二集卷第二

桐城姚 豐石甫著

古近體詩

蜻蜓

蜻蜓貼水如貼萍翼如霧縠身何轉不逐腥臭不染塵餐
惟香露宿艸莖前身合是羽衣人不知能否爲長生得食
卽飛終無聲蜂狂蝶浪亦莫爭秋蟬之品雖言清居高美
蔭常自鳴

畱別臺中人士

誼闊祖帳滿城鬪挂席中流一愴神絕海萬人爭召父全
家終日託波臣天迴暗島舟長夜地盡窮荒古不賓得失
微官何足問

聖朝宵旰在生民

昔賢清節恐人知後世徒工作繭絲百姓可遺無疾苦一身何必計盈虧釀金父老償官急餽米胥徒感舊悲輸與百錢相送別高風吾已愧當時

烏山赤嵌兩蒼蒼鹿耳濤聲接混茫雀鼠未平庭下艸蠶絲難樹宅邊桑絕憐海外彈丸地獨運天南數郡糧戶口曰增民利盡不知藏富幾千倉

華夷中界浪掀厯萬古鴻濛一旦開自昔鯨鯢收海澨至今烽火罷軍臺淒涼畫角三更戍尊重牙旗百戰材猶有昭忠祠宇在居人墮淚埽煤炱

城狐社鼠屢驚蹶

廟算煩煩

聖主勞百尺豐碑銘上將萬家新鬼哭寒潮書生殄賊皆能武艸澤從公豈待招幾輩白頭今日在天教忠義翊清朝

示內

左思晉作嬌女篇陶公慰情亦勝無與君四十未爲老有女長大良可娛有筆莫敎事詩書有鏡惟令勤洗梳男兒才多尙坎壈閨中塗抹何所須但須縫裳與揷髮婉順自得堂上姑夫婿縱不皆言殊此樂亦當人不如

二鳥詩過南昌呈座主劉少宰時以編修引疾歸里成周鶯鶯響岐山吉羽光輝照八寰斂翮偶輸蒼隼擊辭巢翻羲白鷗閒

聖朝有意千年瑞阿閣無人一夕還誤把文章教孔雀枉

令猜忌學鵝鸞

事見後感
懷雜詩注

黃鵠胡爲事遠遊也坐修羽到炎洲甯從杜宇棲荆棘不逐鴛鴦上玉樓墳石夢驚滄海夜衝蘆聲盡雁門秋何時汗漫雲閒樂一破長江萬里愁

夏寒行寄方植之

我行扁舟當夏令小暑節中火序盛大寒十日著棉裘擁衾不起俄驚病卻看僮僕亦復爾皆謂連朝風雨勁我聞閩南古炎方此尙嚴寒况燕晉三公陰陽待變埋寒暑不時豈乖政或疑天道近南行北地冬來少堅凌念君久遊尙南粵升斗傍人顏峴甚病妻十載不下牀弱子治家積憂惄幾時歸載千金裝索逋滿門食每併蕭條白髮又幾許看我頭顱識君鬢身健佳日強看華夜永寒燈休對鏡

篋中猶憶前歲書念我居憂相弔問自言世事更閱歷富
賚浮雲茲可信作文何必近韓歐學道時能悅心性我恨
少日已蹉跎壯作宦遊轉蹭蹬送人廣眾愧折腰見客小
兒崇貌敬庭中鞭箠未能無境內荏苒差可靖清貧尙得
父老憐窮薄不解上官憎罷黜三歲未足道旅食一家真
覺困

聖明乃照百寮底感激北行方待

命卻愁車輪過鄉里未入郭門淚先迸十年不訪舊親朋
半嚮山中作青鱗自從小阮喪京師衰園老人亦在殯甫
報龍眼哭子方亳州又說明東殯平生知好曾幾人似此
凋傷何太迅亦知人生本朝露鵬鵠紛紛笑同盡此身未
死不無情達觀終疑理非正問君何日得歸來握手一慟

還相慶莫教死後空銜哀幸及生前勤問訊粵中寒暑近
何如尙有綿袍爲爾貽

湘子橋

潮江駕橋虹飲水世俗紛紛說湘子有術能開頃刻弩事
雖荒唐亦可喜韓公嘗祭十二郎知有族子遊湖湘或者
異人傳術數事能先知理亦常神仙道成終委蛻何必昇
天爲駭異八洞位次誰定之徒與人閒作兒戲君不見橋
頭塑像美少年道袍巾履猶儼然著者憑君長賣卜曉曉
口禱擲金錢

舟行觸魚躍起丈餘惜不能得之

短蓬十日住漩渦清晨解纜船湧波雲閒喜見山露角水
清不覺魚投梭素簪銀尾二尺許騰高能隔船頭過恨無

網張已聽去舟子詫憎奴咨嗟朝來蔬盡苦無饌舉茶澆
飯盤空羅目前有魚尙不得賦命窮薄遑求他卻思今年
客邸樂端午置酒堂前阿旅食雖無百散備枯盤狼藉蒲
艾多老蠅何年珠在腹我食得之眾誼譁皆言事稀兆最
吉老母懽笑顏爲配得珠失魚亦偶爾今日嗟歎前日歌
未知人生幾歡會青山紅日休蹉跎安得家人似明月每
逢三五青銅磨

獨酌偶憶省在粵中有術者言余前身爲王無功戲
賦此篇

我生終歲嗟塵勞奇情異事時一遭世言有術仙可召我
嘗學之破寂寥仙者與人了不異清談往往莊閒嘲我問
前身作何等謂我本是王東臯醉鄉日月殊不惡胡乃我

不中情陶少常好醉作狂態意氣但覺子夫豪酒酣興高
輒慷慨歌哭嘻笑何無聊胸中磊磊百代事一時發洩如
春潮世俗憤疾益壯烈恨不手握昆吾刀南窮粵海北燕
趙金陵畫舸西湖撓酒痕淚跡到處滿肺腑中物誰能澆
中年老親爲我戒經時不使唇沾醪偶然竊飲自檢東忘
情不免驚朋僚以我上擬無功飲無乃秦漢方羲巢口雖
不信心獨喜况今霜鬢風騷騷荒途邴沽聊自酌墨侯毛
穎我所邀二子與我無忌諱終當不似張陳交慎勿浪語
阮瞻輩定遭呵罵疑我妖

新城道中

十年聞越遊慣作閩人語今日至新城始覺殊風土天塹
川勢闊往往見平楚石磴響朝輪布帆羅夕渚青嶼日峯

山白皙黎川婦雖非故鄉邑巒遠窮邊趣卻望海東雲吾親何處所莫使嶺峴啼哀音涕如雨

吾聞麻姑山上有秦人峯麻姑不可見秦人樵尚逢面目已黎黑行走如輕鴻避世得長年老醜變形容家人俱物化一身亦孤蹤縱復顏色好誰與爲懽悰寄語學僊者悔念將母同

舟起蚤發

明星出地三尺高近邨遠邨雞亂號泊舟夜熱睡不得舟子自起呼駕篙白月已墮前山坳眾星熠熠光動搖風生細波水未冷露下唼喋魚潛跳銀河未卷千尺練絳雲已漫百匹綃湖光倒射底盡赤龍宮夜火驚鼈蛟人生此景那常見何必攘攘嫌塵勞

雙姑謡

大姑著鳳鳥湖上凌波立小姑螺髻妝江心翠帶長雙姑迢迢相對語彭郎磯上煙和雨煙雨日夜深千年不嫁愁人心惟有女兒強解事港內避人偷眼覲笑殺匡廬五老人白頭猶似憎青春翠屏不幘小兒女暮暮朝朝枉雨雲

湖口夜下

幾年遊海外今夜返江湄枕上月千里雲中擣一枝風輕挂帆早野闊聞雞遲遠岸蕭蕭處蘆鶯初白時

馬當在何許已過小孤山迴首碧雲外煙波擁翠鬟飛星臨水沒殘月向人彎不覺客衣冷遙天白露團

湖中淹桂樹日日對匡君湖水欲盡處匡山尙白雲清謳遙夜發之子半天聞卻望松濺渡相思自此分

歸家示友人

吾遊羞見二毛新暫洗征衣陌上塵碧海波濤前夜夢黃
華時節故園人存亡不盡親朋淚去住徒傷局促身阿嬪
大姑憐別久珍厨蚤晚勸餐頻

平生不問買山錢百萬猶爭一擲先四壁幸畱司馬宅五
湖何必子皮船秋風嫋嫋縱陽水野日荒荒蘆北天七尺
男兒身手在莫因憔悴動潛然

後漢二集卷第二終

後湘二集卷第三

桐城魏 融石甫著

古近體詩

哭謙弟

海天風浪得歸遲
不見彌留屬續時
千里浪遊接婦篋
三年惡病誤余期
傳什弱子成何日
散漫遺書淚尚滋
猶有殯宮荒野在九原
何以慰嚴慈

吳春麓侍御招同鄧湘臯集大觀亭且約遊白鶴峯
牢落風塵外奔騰歲月閒夢魂猶碧海秋色已寒山遠樹
連江動浮雲嚮夕殷孤忠有祠宇今古一悽顏

五百年前水曾同碧血流艱難懷國士浩蕩倚江樓玉樹
驚秋落牙旗重上遊從來天塹險爲問濟時舟

侍御聲名久

胡端幾上書歸猶興禮樂志豈狎樵漁山水清音遠行吟
白髮疎何當從負笈問字乞三餘

往讀騷人傳長懷澤畔吟至今湘水綠猶與芷蘭深況我
正秋思惟君諧素心相逢何所贈一鼓伯牙琴

搔首青山客倚梧碧檻前家畱榕樹國歸近菊粵天落日
空江暮高城萬戶煙平生舊遊地憑眺總堪憐

白鶴峰何處頻年望故鄉霜天秋漠漠江水日湯湯有客
尋山寺無田覓稻梁晚來蘆荻冷目盡雁南翔

寒知閣在龍眠山內左忠毅少時讀書于此張文端

舊作詩和者頗多春麓侍御屬作長句

男兒墮地讀經史但解功名不解死功名幾見入凌煙滿

眼紛紛蓋朱紫龍眠山下誰讀書左公當日真丈夫鐵作
肝膽石作骨勁節終得綱常扶松青青石稜稜艸閣矗立
碧血腥夜深月白冰滿谷寒風瑟瑟來精靈公已騎箕上
天去世人抵死何憇遽我生不願讀公書但願從公覓死
處

鄧湘臯先人松堂讀書圖

蒼龍盤空一百尺垂髯鬚參色淡碧月明時作風雨聲中
有老人頭正白老人頭白猶险噭噭愛龍結屋青巖阿何年
老人化鵠去階前但見森枝柯後來讀書者誰子文杏香
茅重葺理拂拭蒼幹紛雪霜老人有孫龍不死龍不死柴
門開艸堂日待聞舊雷轆龍去作人間雨多少蒼生會起
故

湘臯有用在新化之南鄉其兄雲渠隱焉以湘臯常遊外恐其仕作書招之湘臯乃作南鄉耦耕圖以見志

資江水遠搖青蒼溪流幾派來湖湘中有千頃平田良魚肥蟹滿多稻梁南鄉先生家在有數椽茅屋牆樹柴外翳喬木盈千章鳩鳴鶯語流笙簧清泉漱漱迴陂塘四山普雨松萼香雲渠老人眉色黃何蓑笠鋤柄長呼牛嚮田水澗廂泥滑不顧沾衣裳先生大笑相扶將綠雲滿地禾初秧置由此處謀誠減東坡陽羨空彷徨可憐先生猶四方歲暮不歸遙相望燕趙有女顏姬姜姑蘇美人名夷光煌鬢霧鬢珍珠璫先生委棄如秋霜應聘一履公侯堂諸公倒屣爭乘觴歌詞散落多慷慨長劖耿耿倚太行男兒

有志何軒昂會當騰踔萬里疆

聖主堯舜方當陽峩峩

宮闕龍飛翔雄文上揭星辰煌湯盤周鼎宜

廟廊請君去買青絲韁蒼生待起時事皇行年五十身手
強何必歎老終江鄉

汪芝亭太守得一畫宮殿人物甚眾有神人自空中
下一紳笏者拜之翁覃溪學士定爲閣立本畫天
策府圖又得山谷老人書歸去來辭墨蹟太守寶
之合爲一冊名曰唐宋合璧屬題余謂此非唐畫
殆明嘉靖時宮中建醮圖也畫不知誰作頗有文
待詔筆妙字則真黃書耳爲作一律

紫府僊渺故山松菊多古人紛墨妙吾輩且高歌慘澹

心何極雲煙眼又過明朝江上路回首此摩挲

剝栗歌

剝栗剝栗我剝君食栗不如生人不如熟月明星光流影
洞房今夕譎樂鳴琴初張我始見君華月輕雲十年契闊
有言不聞煇煇形管貽書常滿我心日長我髮日短陟彼
高山汎然叢邱趯趯狐兔使我心憂胡顏如玉而心匪石
君不我思我終不易蓬矢桑弧四方爲徒勉君令德母爲
我吁

贈馬元伯

我之從祖姑於君爲大母淑德耀女宗鍾郝齊芳軌君之
閨中婦倫鑒故無比偶與祖姑言黃裳負才美我少且貧
賤顧謂無妨耳蘿蔓結免絲論昏遂女弟君才蚤卓犖掞

藻紛葩蕣翔步

天衢閒譚經虎觀起十年歷曹務論事無謫詭公卿動色
嗟左右手常倚色盛見羣嫉譽高來眾毀謔謫何倉皇窮
邊逾萬里冰天與雪窖從古絕朱紫丈夫身許
國慷慨自茲始可憐笨薄車閒道歸妻子目斷山海關聲
咽桑乾水

天恩許孝養感極翻墮淚黑頭喜君還白髮痛姑死自慚
淪下吏微祿事甘旨窮海輕風濤長官憑怒喜平生好譽
謗不解妄諾唯信知賦命乖牛馬任鞭箠寵辱良足驚虛
聲尤自恥蹉跎華髮衰忠信天日矢常恐海水枯更愁天
柱圮出入懷百憂無甯戀棘枳驅車要北征眷言過桑梓
我本無儋石門戶幾遷徙停步問鄰人迴頭爲我指艱難

見兄姪揖嬪及姑姊親故半無存揮淚那可止且得近君
居兩家不盈咫見君孀母健喜動深閨裏亭亭兩男兒骨
相殊修偉酒食時見召情親淪骨髓君從淮上來握手話
屯否鬚鬚謂我非面目欣猶是中堂坐翦燭漏盡語未已
君言黃河漫非復昔年似土盡蘆荻荒不奈洪流駛
聖人罄金錢莫救呼庚癸薄海頽至仁天心庶可恃讀君
塞外詩激壯含文綺區區志忠愛灑淚溼滿紙誰能動
皇鑒世事且波靡鬱鬱淵底松耿耿原上雉松高尋斧斤
雉信罹羅矣北風吹雨雪長路方邇迤久客厭舟車故鄉
聊葺理不恨遠別離憎此天中晷人生幾少壯有酒爲盡
此行矣勿復言激昂愧知已

寄伯山

問君猶未達華髮近如何細細雙魚素冥冥滄海波酒因
窮歲少愁是故鄉多莫便成蕭瑟文章氣不磨

方竹吾吳岳卿朱歌堂魯岑家易卿緒周里中小集

明日竹吾之浙西余亦將入都

冬陽忽已暮草樹亦蕭慘蕭蕭飛鴻侷俛然振哀音嚴程
苦霜雪彌望冰滿林嗟余事遠遊久矣江海心戚戚里翫懼
讌繼終中情染憎哉騏驥足老厭長途征盛歲不再茲歎
往復傷今如何君子去棄我先爲行明農征車發聊復酌

金尊

酬別同年金鶴皋大令周伯恬陸綸山及里中諸子

時眾人讌集北園爲餞凡三十二人諸君皆有詩
人生有情怕離別况是相逢肝膽熱溪山一片冷秋光欲

上行人鬢邊雪名園松老竹逕深主人愛客輕黃金結交
十年不相見握手一笑平生心我從海上来更得海中霧
親見蓬萊水底乾龍鞭擊碎珊瑚樹揭來更走長安道
向家山事幽討故人聚散有死生顧我形容亦枯槁舊交
零落新知多開筵作餞爭高歌酒酣聲壯吐奇怪金戈鐵
騎相礮磨高歌忽動神明宰父觸離情嚮江海春明迴首
二十年鵬鷗鷗鷗幾人有西風稜稜馬蕭蕭星河明滅關
山遙青萍脫手發意氣精光十丈猶干霄

夜行沙磧中有作寄內

鐸語破殘夢僕夫鳴夜鞭露重沙共白星盡月孤圓宵路
長如海我行真到天懸知慣離別無事問金錢

管異之紫芝圖

異之攜圖索我詩自言近歲家產芝光豔郁郁莖幹好肉
色凝紫如凝脂貧家何從得瑞異天命禍福心狐疑可憐
秋來一領薦先生自喜惄人嗤由來神物不忍褻或恐辜
負皇天慈繪圖遠攜到京國

君門欲獻還遲遲昇平無人識祥瑞先生報罷芝何衰我
爲子歌芝莫悲鳳凰麒麟來有時道高不憎徇世俗矯矯
龍性或爲蛇荒江老屋風雨壞此中足夢宣尼師勸君攜
圖且歸去造物未必空靈奇況聞諸侯已徵聘厚幣聊復
忘寒飢

雜述

雜述燕胡酒淒涼曉夜鉅清時猶戰伐絕代幾勳名世事
悲難盡中年感易生迢迢邉上月今古一含情

馬湘駒以其字作圖屬題卽寄管異之梅伯言俟念

勤三子

我家龍眠楚江北夢魂時在瀟與湘怪哉平生足未到何來澤畔哀吟長湘水清冷斑竹紫九嶷連蟠綠雲裏迴風吹影落煙波慟絕騎人此中死馬卿年少能作歌新辭哀豔今如何夜月湘靈罷鼓瑟春風山鬼來披蘿丹青何人解幽思筆底茫茫寫空翠孤帆遠水碧天長我要爲君一灑淚卻憶金陵同醉客江鵞江艸爭顏色別離動是十年昔又向京華歎頭白我歌君畫人不知挂帆明日長相思青蠅鼓翅滿天地顧我出門安所之

燕語一首贈姜聽珂別駕

燕語簫愁破曉寒鳳城苔色若爲闌浮雲有恨人方去芳

椿長槿短自朝暮古今變化無停機江山到處風景在任人領取天不私精粗趣殊好惡別持與世較孰得之壯哉君言有如此歲在辛卯聊自著六十語年未云足至理所得已不貲儻遇胡賈論世價此行豈但驕鴟夷乃知逆旅初不惡有生來去空嗟咨

饒河舟中

十年海客輕風濤偶歸鄉里誇兒曹長江泝流浪頗靜鄱湖逕渡龍不騎造物似嫌大輕易故遣河伯相阻撓水迴百曲灘隱見帆轉四嚮天周遭斜風急雨橫注面人多舟小時喧啾鱗隙到處補復漏衾茵溼臥難堅牢長夏終日艸苦閉冷熱數易殊煎熬登舟兩旬住十日上水一尺須三篙我謝河伯勿復爾壯年意氣久折消富貴自斷此生

已困頓不煩神力勞卻看誰家兩年少坐擁巨艦旌旗高
櫂金打鼓順流下倚檣僅僕皆雄豪舟人得意趁風疾紙
錢旦晚河中燒

寄光律原

我夢華山峰頂月思君正在蓮峰缺我夢洞庭湖水深思
君日暮蒼龍吟水長山遠君不見元髮蕭條鏡中變聞君
坐鎮關門雄上游四達水陸衝千艘萬騎日夜過清嘯時
落湘西東我今扁舟彭蠡口明月何人共梧酒樽空突兀
匡廬奇想君胸次今安有卻憶劉晨入此山新詩雕鑿干
贊屹一從僊成棄我去煙雲靄空人閒君旣不可見故
人亦已歎搔首狂歌欲爲誰荷鋤獨嚮青山哭孟塗昔遊
虞山作詩

古廟

臨江古廟何蒼涼斷株三五壓堵牆鐘敲鼓倒烏糞積神
袍黯慘手笏亡憶初興起禱祀盛神威煙赫殿宇煌烹雞
燔豕曉復夜路人悚肅郵巫忙何年衰敗失靈應狐鼠晝
竄蝙蝠藏我見冠像尙禮敬神若鑾灑顏無光盛衰轉轂
古如此聽命愚俗神其荒不見門前老檜樹亭亭枝葉草
蓋張風膏雨沐自天意至今黛色參天長行人走憩誇美
蔭時有好鳥鳴笙簧年深豈免見怪異無作威福庶久臧

白芍藥歌

世間眾萼色無如白最艷美人姿態本天生紛紛紅紫徒
堪厭牡丹雖富貴終恨丰神少但取白數枝猶然增窈窕
乃知玉環擅寵自一時三郎晚歲始好之若敍古今眾美

集恐對飛燕且失色何況西施麗華茲素質我嘗譜花品
無若白蓮尊次當白芍藥妙麗殊精神水饅玉梅亦超俗
祇覺寒素非天人又觀眾鶯中一一有所擬白蓮如大士
供養宜爲禮牡丹如貴主驕貴固無比水饅及玉梅清峻
勝處子此皆不可亵豈易尋常觀閨人如賓自堪敬無乃
強對中不歡何如芍藥雖貴本敵體但覺婉變都且閑古
云端莊雜流麗以贈此鶯足稱無羨顏長安少年誇走馬
無人卻去豐臺下傾國所在求者多故使藏驕論高價友
人贈我玉數枝玲瓏綽約風神奇書生齋頭一旦得佳麗
對此不飲甯非癡但恐狂吟日暮玉山倒踉蹌欲倩鶯扶

持

雨晴

落日清風放晚晴疎林盡處石灘平橫天一抹飛紅翠坐聽長虹飲水聲

題洛陽橋

百丈長虹駕海濱一天斜日照豐碑往來十載泉州道又是橋邊水落時

俗傳宦客過橋值潮長則吉以此爲驗

下灘歌

嶺南羣水自天下勢如建瓴捷奔馬泉源直下苦易竭豈止覆舟如墮瓦天公憎水尤憎人重重巨石橫當門大灘數百重鎖固蛟龍不敢相拏吞世人行舟喜迅快一注便當千丈外性命須臾不少留可憐從古因貪壞我舟兩日行苦遲到此始覺心神怡胡爲灘頭忽惆悵卻憶前年初

上時

後湘二集卷第三終

後湘二集卷第四

桐城姚 豐石甫著

古近體詩

汀州藍喬爲余作秋山古寺圖

櫻拂蒲鞋大褐衣四山秋葉晚風微鐘聲漸遠雲中寺僧
得楞嚴半部歸

蒼蒼古樹鎖煙寒遠水斜陽石磴盤祇恐在山人不見故
教圖外對看山

汪味根海上歸櫓圖

浴日浮空絕岸垠混茫從古幾歸人與君共有滄桑約親
見蓬萊脚下塵

十年閩海歎無家浪走濤飛閱歲華安得一區陽羨宅綠

樂陰裏話天涯

藍生復爲余作美人香艸圖感題一絕

汀洲日暮采幽芳
森森凌波翠帶長
旅雁不知南望恨故
畱橫影落清湘

侯笠青美人掩圖

輕寒翦翦透薔衣
燕子銜鵝尙未歸
惟有薔風曾識面
爲翻錦字入羅幃

書恨

氣盡身猶在親亡子未歸竟成泉下望再變客中衣
北闕無書上南天有雁飛冥冥長夜路骨肉定何依
不作黃泉殉空餘碧血殷百年虛養志千里尙閉關盡室
長依幕生兒悔出山海天霜月冷曾照別時顏

白日悽丹旄黃雲黯雪衣賤貧無是計生死不同歸淨室
香猶爇金經事已非能仁如說法忉利覓庭闈

買馬歌送郡都尉

將軍年年買官馬驃驥駟盈階下玉門關外又如雲萬
里閩南催使者官符夜下朝不留千金馬價木蘭舟歸日
定知黃白盛問君竟得騰驤不

本朝寰宇竟西北廄牧名駒皆汗血日黃纏渡崑崙沙月
明已踏蘆溝雪如今海內風塵靖天閑絕足空神駿惟有
長楊羽獵時射狐逐兔猶馳騁可憐垂轡嚮南中金羈玉
勒徒恩恩應官夜聽牙前鼓過嶺朝穿石上松爲語健兒
莫歎惜將軍愛馬必能識買得驥驥逐電回來年貢使猶
堪及

東亭甫梅友時約遊鼓山

故人偶有名山約小雨何妨載酒行直到白雲最高頂天
風一鼓海濤聲

慶姬

姬宛平蕭氏女年十二至閩十三歸余閩人未有
子頗勸納之屬多故未暇許也姬乃深自晦抑忽
忽十年昨歲家室得歸余獨未發解纜前夕微覺
姬有淚容于是知其非無情者乃作一詩貽之

雙髻初見綰青絲灼灼芙蓉映碧池馬首動成千里夢蛾
眉空負十年時絕憐入匣珠環冷可奈臨歧玉筋垂辛苦
朝雲猶有恨海南江北不相隨

春晴

塞雨霏霏入夜清小窗新暖覺菖蒲五更百鳥弄柔滑惟
有接鵠作舊聲

董思翁畫

雲起羣峯白未霾風橫雨勢急相排無多竹樹披靡盡獨
有寒牕倚石崖古人字多雙聲疊韻此乃疊韻也宜作平聲

萬伯翰畫竹

一榦撐空一倒垂更從何處著橫枝故撫寫得蕭疏意風
雨滿天人未知

己丑四月方竹吾來漳州邀同汪味根二丈胡曉峯
同年陳澧西臘藍郁二明府文謙之貳尹遊開元
寺觀唐咸通石塔遂登芝山謁道原堂還至僧寮
聽蔡香谷秀才彈琴蔡石坪明府後至

古寺劣劖踞城巔俯瞰市巷如蜿蜒銀榜半落開元字石

塔尙見咸通年蝕金剝碧絕梵響積塵滿殿橫槧韻

時聞
韻

間兵卒狼藉殿中當時接構芝山麓鏗鐘伐鼓資聖福僧徒腴田

遍漳水內府金錢壓軫穀銅鑄明皇奉御容玉書景德藏

經橫寺中舊有唐明皇銅尋御容及宋仁宗御書可憐絕

經疏一百二十卷今皆不存猶咸通塔耳

可憐絕

微淪蠻中五百年後聞儒宗紫陽善教及婦女至今衣履

顛宋蹶山猶在迷墨歸儒道不同

道原堂外石刻瑞語云十二峯送青排闥自天

存其風

漳州端人皆常服外加大布寬衣履下襪以木屐蓋朱子守漳遺教也俗呼文公衣文公履

唐

寶以飛來五百年迷墨歸儒跨開元之頂上相傳爲朱子手書北溪東湖已後死配食衣冠

冠肅堂址遺原堂祀朱子以陳北溪黃勉南王東湖陳布衣四寶配燈樓撞破又何人

前龍溪王今有李

明世王龍溪講學出入二氏今則

李畏吾著書方通儒釋皆心學也此心

覺放且欲收物外何從覓真是故人新自吾鄉來語我後

起有殊才竹吾言
生頗有術學者
庸哈卻傷老大不歸去風景到處徒增哀柳營江上海潮
沒天寶峯前笳吹發臨邊大帥滿絳旗入座遊人半翠髮
一曲焦桐感我心不待農鐘度林樾

喜聞馬伯顧自伊犁戍還復官

平反自古循良重治劇應難巨室齊誰道謗書成市虎尙
聞絕域放金雞三年淚盡冰天月一命

恩深渤海鼙驚起嶺南渝滯客朝來翹首玉關鹵

雲洞夜遊

養鵠人何處千年客共來撥雲烹石乳駐月釀珠胎窈曲
藤蘿徑陰沈般若臺清遊貪夜永風露轉蒼苔

鳳臺夜坐

高臺空受月小雨不藏山樹色河流外蟲吟石壁閒坐深忘世隱心靜得身閒爲問前溪夜白雲猶未還

曉望

障天橫海岫破霧出江都歷歷千家樹荒荒四野瞰憑闌朝霽好卽目道心存除卻蟬聲噪山中何事喧

尋千人洞緣壁登三角石

曉日衝雲四望開山僧指點入崖嵬蛇行洞底通天出鶴立峯頭絕海來得句欲題千丈石放懷須盡百年憤窮幽陟險尋常事今古蒼茫何處哀

鳳岡二丈年八十有二登山陟險豪邁逾後生相約

作詩且行且詠余幾應接不暇口占一絕以贈

八十登巖不拄杖廣州清健幾人同故應詩思清如海寫

盡溪山與未窮

有感

死別三年夢生存萬里身便應長墨經那復望簪紳著意
蟬鳴切無情月照天涯氣長結慚恨此羈人

余別侯念勤十有五年頃來閩中急見不可得念勤
見寄五言長律沈壯豪激輒成四十字答之

一片秦淮月飛來照海東美人好顏色清夢若爲通寂寞
成連曲迷離聞苑風憑誰寄芳訊怊悵託豐隆

紅拂圖

衛公不識虬髯客越國何知張出塵從此閩中有衡鑒有
敘望氣失眞人

與竹吾夜話時同客漳州余年四十有五矣

一萬六千宵底月二百七十客中國少時朋舊幾相見強半勞生劇可憐鐵馬金戈橫海夢秋風苦雨渡江船紛紛轉眼成今古莫憎吳姬壓酒錢

寄徐六襄時調臨海令余方客漳州

天台幾歲訪丹邱坐領名邦亦小侯文字蚤能精選理政聲時復到鄰謳休將久客嗟淪落且喜同人得上游謂律東君家聞道胡麻好顏色菜衣舞罷復何求

陸萊臧西湖詩夢圖

千一百年西湖水費盡人閒萬幅紙紛紛詩畫寫清奇不及陸生餘夢耳北行燕趙南閩粵辛苦舟車八千里精魂到處不須錢萬頃煙波憑咫尺新詩入夢墜未終鹵塞月照東林鐘參差倒影樓觀出蓑笠一櫂搖清空水光激灔

忽雨勢疾雷已過錢塘東孤山梅萼壓寒雪鵝鶴掠處餘
飛紅愛君清與不能忘每憶湖山輒神王夢奇詩好耐冥
按玉局逋僊殊意匠湖上老僧心獨閒爲君寫夢更寫山
圖乃老僧
遠作靜定知此境非人到一角雲煙自往還

己丑十月余將去閩喜遇亨甫於福州出示新詩有感

慷慨同傾燕市酒荒寒獨賦渡江詩誰憐憔悴如張縉尚
縱清狂似牧之萬里關河儻來去三年風雨隔歡悲天南
買櫂未歸得爲爾相逢敢恨遲

馮柳東登府東粵修書圖

歐治東遊盡尾閭問君劖氣復何如能收干鏃藏金匱便
勝枚揚在石渠五虎門前風浪黑九僊山下日霞舒相逢

此意終千古枉笑移冢載五車

鴻以庶吉士改知將樂縣
三月乞病罷去歲三四

云

漳浦黃忠端公先塋在雲霄道光八年有欲侵葬山麓者一夜山上石苔無數盡作黃山字凹凸大小不一或篆或隸天成奇絕柳孝廉廷爵作黃山苔字歌屬和

漢宮老樹一夜泣大書公孫病已立嘗疑人作非鬼工今見黃山驚汗溼黃山之高不盡天大石小石嶮萬千山深石古遍苔字黃山點畫龍蜿蜒嗚呼黃公信人傑理學忠臣今古烈講堂艸歿鄴山書秦淮月冷金陵血憶公初立隆武時偏安王業公不爲武臣不出文臣出慷慨空拳集義師北都南都再渝棄八閩雄關復撤備溥天遺恨盡邱

墟尺土私爭豈公意固知呵護由山靈公之先墓公所經
松楸未置萬冢冢苦蘚長留萬古青

熙朝崇公

聖廡祀式閭封墓何足比苔乎神異公其知飄颻靈旗來
視此

書陳恭甫編修戀雲圖卽以爲別

十年清望擁臯比經術文章識所師北海諸生傳絕業西
京名宿憶前規憐才蚤接舊風坐憎別還題滿巷詩回首
白雲長在嶺自慙仍是出山時

別張亨甫有作兼示令兄怡亭

天寒牘盡吾去越山橋倚舟未肯發故人置酒作淹留况
復清歌當落月張子三十才無儔氣壓幽并千里鵠連年

垂翅反東南海上蒼煙時出沒獨憑才調寫孤憤更買娉
婷醉華髮阿兄文章老不售虛牝黃金歎空擲對君詩思
尚清豪似我功名豈寂寞嚴城黯黯斷麗譙朱戶重重下
簾幙燕兒琵琶蓮兒唱木蘭持桺翠裏薄燈前倚醉憎殷
勤醒後挂帆嗟恍惚佳人一宴情底深老我廿年行未歇
譚笑箇卻能罷軍意氣今存破礮骨衝寒自覓西湖擢雪
滿孤山冰逕滑江南有家不歸去燕趙征車行倉卒天漣
淚盡酒痕銷待汝明年嚮金闕

別開化寺僧暢宗

七載事招提先靈簪嘗駐眼枯門外水心死庭中樹緬維
佛願宏邁此身多故生死恨別離艱難餘恐怖蒼蒼烏石
山煙色暖已暮寒月滯湖雲微鐘喚僧渡遡茲禪意寂挂

席余方去白鷺有時飛還疑來竊素

古田道中梅

古梅一樹橫杈枒衝寒逼歲時作鴛山深道古祇自愛芬
香散盡猶含葩南方臘日少霜雪枝頭已見成蜂衙可憐
落英滿塵漬行人踐踏隨天涯朱顏破屋憔悴死錦茵繡
戶誰紛誇落日亭亭照我去裴回三喫空咨嗟

遣悶

好鬥千年自越風無端蠻觸又相攻青宮保傳新承寵也
抵將軍定海功

廉蘭從來不並能金壇大將果然登兜鍪擲地何須恨碧
海滄桑付老僧

水利農田本富民金錢搜括亦艱辛諸君自急千秋業不

計閭閣蹙頰人

傳聞殷室半逃亡，煮海如何卻病商。
太史蚤成鹽筴志，民閒方幸解銀鑪。

八千矮屋掄才地，十道飛符下邑錢。
換取頭銜王刺史，鹵湖閒引木蘭船。

感懷雜詩

門庭如水澹秋光，弟子時容一舉觴。
三十年來耐官職，不知驃騎久騰驤。
桂香巖先生爲百文敏母弟乾隆癸丑進士，仁宗時列九卿，持躬清介不事權要。文敏功名遠赫，公獨淡泊自守，道光九年始轉兩階爲副憲，仍三品。莹每至京師，公必命酒盡醉，嘗寫詠懷詩示莹云：官如秋水淡，人比太倉陳。可以想其風采。

學舍應無百里塵，閨中况有謝夫人。
淮南書到曾招隱，孤負梅花已廿春。
梁味愚先生名本，蒸山東鄉城人，嘉慶壬戌進士，令東流縣丁卯知縣，或莹爲先生所

薦尋以憂去遂不出改沂州府教授與望書曰宦海風波
帆遠從茲魂夢俱安繩娶廟賢兼工吟詠有子亦能讀父
書

彭紀書多理未諳

先皇命相本知人他年一語回

車駕始信江都社稷臣

嘉慶初大學士欽時望在彭紀
上曰彭元瑞紀昀讀書雖多

而不明理特命董文恭公在

上曰彭元瑞紀昀讀書雖多

翼翼務持大體癸酉秋

車駕幸木蘭歸途聞林清之

警訛言方甚

上遲疑未發公隨扈力言京師根本

小醜不足患請速回以定人心

上悟卽日回京賊

果滅由是中外乃

知公能當大事

壁立中流千仞山武陵遺愛遍諸蠻夕陽無數王曇首檢

點緘書淚獨潸趙文恪公平生大節凜然朝望比之壁立

也公嘗開藩粵東巡撫粵西總督閩浙

貴忠誠遺愛在所吏民如出一口

高宗實錄廬陵史一代鴻文手自裁從此不須燕許筆百

鴻洲畔獨歸來

少宰萍鄉劉公金門修典學浙江續彭文勤爲歐陽五代史補註

高宗實錄

謫戍黑龍江

召還復編修

仁廟升遐大臣

大進用而

遺詔有誤公言之當國白

上改正其人益

公歸矣

青眼高歌荷巨公錢唐三日語從容名山霖雨都休憶樵

悴京華一問中

山陽汪文端公督學浙中一見作三日譚題余詩文集曰行則施爲霖雨藏可勤諸

名山又曰白頭今望當代乃有斯人青眼高歌不朽端歸吾子余自後不復相聞道光五年至京師公猶遣人存問

余時被議方爲吏所持謝不往見尋以憂歸公亦薨逝生平深負知己未有如公者

開府勳名重海濱芻蕘幾度費諮詢

賈生未薦吳公死遺恨當時第一人

上元董文恪公督閩時嘗稱余爲閩吏第屢見訪以大政余之得罪諸公始此今

上詔舉人才公已引疾尋薨矣

海外功名泡影如羣公網豈漏游魚然明未必都相識猶

有平原待薦書

顏惺甫尙書撫閩余被議之杠將奏白之時余在臺灣未相識也公屬臺鎮音公

促使內渡且致語曰吾膺職已具待若來卽發余未及渡而公督畿輔去余尋丁先大夫憂竟未一見

梁溪治績有遺型晚歲名猶達

帝庭灑盡平生知己淚九原宿艸等閒青周瀆山太守鑄聞兩浙晚邀書音撫請再得至漳初未相識也及卒遺命其子乞余爲身後文

東海何人匿趙岐杜陵曾倚劖南時六條我尙慚蘇綽惠
達如君未足奇余爲當道所忌方賴齊觀察獨階之臺灣余令龍溪故相得也君好揚人善過周惠達遠甚愧余不及蘇武功耳

躍馬橫戈百戰功壯懷銷盡海雲東流沙竟捍孤城死毅魄猶能萬里雄音公登額字健齋寰黃旗滿洲人平八卦教賊英勇有功由宣大移鎮臺灣見道府與余韜戢心不平之余獲逆民首朱蔚弭淡蘭之亂道府守葉爾羌張格爾之亂孤軍無援死難詔贈都統謚

海上妖星二十年將軍弢箭靖烽煙如何帶礪昭青史獨

善書生許並肩

王公得祿字玉峯臺灣人福建水師提督

世襲余自臺灣罷官回至廈門公折節爲

兄弟交且厚贈其喪每至公家款禮獨異

元龍湖海餘豪氣百折崎嶇不道貧珍重荊州老都督結

交還與致千緝

觀公喜字吉甫陝西駐防鑲藍旗滿洲人

臺灣戍兵召募

上命至閩粵總督議之檄下臺鎮

魏公以問于余爲言其不可改狀且議上臺營事宜公大

歎服結忘年兄弟知余困屢欲助之余皆卻謝公堅以千

金助償官賃道光八年公爲荊州將軍余再以太夫人憂

留滯閩中公始手書曰弟七年之中兩丁大憂不能歸因

頓可知兄將爲謀資斧以助北行幸勿以荊州爲嫌拳拳

如此公誠古

人之風哉

大江孤艇曾相見南海荒煙尙寄書已負文章千載事不

堪重問子雲居

吾鄉王晦生廣文灼詩文高古惜翁之外

相處甚厚今

最爲老宿前在臺灣猶來書以文章之事

先生歿已七年矣

嶺海相逢十六年，幾人堪贈買山錢。生涯未覓龐居士，鑿

下娉婷劇可憐。

嘉慶十九年識龍巖饒喘漁，延襄于粵東今十六年矣。其妻有敬通之憂，嘗語余曰：終當入空寂門使妾得子。

物甚精尤深禪理數上公車不第髮且半白貧而無子置

一妾頗有敬通之憂，嘗語余曰：終當入空寂門使妾得子。

稍有暇粥處卽了吾事亦可悲也。

撒手懸崖李廣州，功名家室盡浮漚。紛紛講道爭朱陸，不

及青山自在遊。

李鳳岡大守威守廣州日，上游方大倚用忽一夜避妻子手書乞退居都下十年一

旦思返漳州復不告家人盡棄其業隻身南下蓋有道力者今年八十二猶如壯夫數與余登山必窮其巔初不莊杖著書數十卷言天人事物之理至矣。余之行也屢贈以詩且以其書爲託。

三百年來嶺外詩，聞人何似粵人奇。眼中絕足張亨甫，不

讓前朝鄭繼之。

前明以來聞粵詩人無過鄭繼之屈翁山者，近惟建甯張亨甫、亮最爲傑出。

游夏猶難贊，一辭紛紛作傳亦徒爲舍人新解春秋義。獨

裏遺經自得師。

光澤高雨農舍人澍然著書秋釋義不用諸傳大義豁然。

不見梅崖六十年閩中文獻更誰傳雨農齒豁怡亭老著作猶能覲後賢雨農與建甯張怡亭紳皆善文章梅崖嗣襄也余再過光澤皆病雨農家怡亭亦至三人繼譚未嘗不竟夜

海內文章有惜翁新城學士得宗風方劉梅管均堪畏輸
卻家雞是阿蒙陳石士閩學詩文醇雅得惜翁正傳然閩學殊推上元管與之同比諸六祖而自居秀上座余謂若吾桐方植之東樹劉孟塗聞上元惜伯言曾亮及異之皆惜翁高足可稱四傑未知閩學謂何如也

除日建甯道中口號

碧水蒼山送歲窮無情竹樹自搖風寥幃欲共幽禽語落盡梅鶯客路中

後湘二集卷第五

桐城姚 艋石甫著

古近體詩

庚寅正月宿建陽縣

谿山迢遞隔年行，潤艸幽禽偶一明。
細雨郵寒元日酒，斷橋水闊建陽城。

縣城環水有南北二橋時南橋久圯

令嚴斥堠人猶戒盜地多

夢近連灘響未平，自古嶺南遷謫地。
不應回首獨心驚。

折梅

折梅大道傍，攀條不忍斷。朱英入我懷，舊意從茲換。
甯知遠行客，寸心久零亂。夜夜北風寒，餘香莫吹散。

山中人日

山松和谿水，旦夕風雨聲。
嶺鶻漏朝日，始知天際晴。

糢糢

轉前路竹樹蒼然清眼豁
眾峯開郵雞方午鳴禾藁猶在
田薈犁未欲畊香蕡早炊熟濁酒聊一傾
野老進客言山家無所營欣此人日好寒梅吐朱英
勸君樂新歲勿復貪長征舉首復興駕歎息何能平

楓嶺

楓嶺界閩越客行近故鄉甯知楚江水猶自隔
錢塘荒驛留殘夢嚴寒覺早霜春風莫爭路相待及垂楊

見月

一年初見月對我倍清新似爾能憐客天涯况早薈嶺梅
爭夜色江燕待歸人莫嚮妝臺照蛾眉未放顰

旅夜觀燈

客裏逢元夜鄉心感歲鴻可憐好星月猶照衍魚龍社鼓

郁郁喜宵燈處處紅無爲憎長路行樂萬方同

題僊霞關壁

白雲堆裏見雄關十四年來去復還莫笑書生無建立天
教看盡海東山

得李海帆書

吾聞永州守三載不名錢鄰郡添新債故鄉鬻祖田謳歌
猶滿境書到已經年宣室何時召應蒙

聖主憐君清貧甚告貸千_{澤州}孫少_{蘭太守}先世遭

正皆盡嘗被吏譖甚嚴永州之授蓋特恩也

有感

本朝家法萬年昌

聖母天畱翊我

皇宮史定知書不盡小臣惟有祝

無疆

舟中立晉

客愁窮嶺表 喜見浙西晉
遠渚纔通檝 寒鶯欲近人
關山歸雁靜 風日暗潮新
祉愧嚴灘 客憐余歲問津

舟曉

緩風柔艤破 晴江初日玲瓏欲透
膾不解何人 指晉夢珠簾
波下碧油艤

聞雁

夢醒蓬牕欲四更 講牕月照不分明
十年嶺嶠無逢雁 愁聽天南第一聲

蘭溪

溶溶舊水碧如油
客下蘭溪半住舟
日暮西風催棹急
掠

他兒女一江愁

桐廬舟中

濛濛細雨似輕煌
淺水平山入遠天
千樹梅萼萬樹桺
桐廬江上看新年

口號

越女明妝照水濱
偷將玉笛換新音
珠簾捲起風帆滿
愁煞吳王宮裏人

桐廬放舟

正月已半山欲醒
雲煙澹裊梅萼亭
萼未敢清淺渚暖盡
睡雁足平坡軟到枯艸莖
我行歲窮復歲始
故園夢杳天冥冥
桐廬江中水照眼
蓬窗坐對人娉婷
玉壺半傾且欲已
朝來短髮添星星
聊將此意

付清曲四絃哀怨猶可聽

杭州晤徐六襄

嗟乎榜亭鬚已白潦倒一官稱望赤生無媚骨事公卿枉用甘腴薜經籍三千里外夢魂遠十五年來江南隔盡道青冥屬上才誰知黃鵠垂修翮東風吹我嶺外返扁舟搖搖蕩心魄相逢顏色怪我蒼如此風塵豈能澤憶初識子鄉里時意氣文章鎮相惜望古常存屈賈悲感時欲上天人策曾占出處龍在田誰料升沈駒過隙年來奔走厭舟車鑑向諸侯稱上客男兒餓寒何足道湖上舊光莫拋擲一樽放艇作清遊千樹梅萼好鋪席

許農生自徽州來遊西湖卽去

首別皖公江上月天涯三十二回新照君清夢黃山頂憶

我行吟瘴海濱常恐題詩傷白髮可憐到眼又青苔相逢
且買西湖櫂處士梅爲解候人

寄徽州劉玉坡太守

北雁南魚路不通每從海外望江東致身良見二千石訪
勝閒登卅六峯燕市舊年同換酒錢唐此夜獨推篷靈湖
欲上煙波冷愁對明妝照眼紅

黃梅道中

燕雁迢迢秋意闌長空何處罷飛翰丹楓幾點官橋晚黃
菊一枝郵酒寒雲入楚天常帶雨夢寥江艸不成蘭美人
遲暮原多感況是高樓玉笛殘

黃九香

瑞琳

以東坡紫雲端硯見示索詩卽題其詩

東坡黃州幾年住妙筆人閒散無數雪堂赤壁祇今存風景江山應如故公已騎箕誰地主寂寞雲煙付毫素羅田陳子今詩人嗜古性篤通精神好公文章覓公物得公此研窗非珍君詩公硯一朝見怪來寶氣紛輪囷世人學杜死皮骨學蘇誰能辨主客煙火不脫苦凡近公自飛僊妙無迹聞君論詩與我同不信試問黃州石

登武昌城樓

百尺高樓俯大鈞孫劉往事迹空陳水吞江漢還趨海地控巴吳不入秦日落荒洲弔豐壠風吹斷塚見麒麟帆檣終古如林泊爲想旌旗十萬屯

荊州弔劉景升

茫茫雉堞古雄州誰擁旌旗坐上游得水臥龍終入蜀過

江名士尙依劉已聞饗客如黃祖那用生兒是仲謀畢竟
虛聲能卻敵生存猶使阿瞞愁

荊州晤光律原

別君十五年相思多苦辛扁舟千里來一見難具陳淹留
遂五日日日形影親把酒復對牀絮語夜及晨少時友直
諒同里非常倫片言相砥礪千載期扶輪自從張劉死余
亦汨風塵出處時事乖大義無復申平生蹇遭遇八九君
已聞一官涉窮荒寬猛惟因民雖竊神明譽愧無風俗淳
家室仍屢空逋負滿四鄰世情多醜直面喜昔則瞋死灰
今復然實感吾

皇仁位卑言獨高得罪甯無因事上必恭敬吐辭當閭閻
柰何任婞直舉止猶天真感君誠且泣握手言之諳古人

有諱友士以不亡身自非骨肉愛誰復憐沈淪久矣不聞過再拜行書紳

我從武昌來江水方洪流男婦破釜餽爨去滿舟問言巴東水五月騰蛟虯受淹及鄰境荆郡當其尤復苦秋潦淫禾苗不得收田廬既以沒乞食無乾邱幸免身作魚那計形如鳩聞之心惻然重以旅客愁漸行入監利彌望水四周郵壚漫舟過不辨東西瞰水中見敗屋炊斷風颶颶墳墓穴魚鱉白日鳴鵠鷺此邦本澤國水患無時休聞君請民命大府方夷由幸乃逮賑卹稍慰民聊曇大府今代賢民事甯不謀欲言陳災異恐爲

聖人憂今時實孔艱水旱不一州河北大地震幾輔創未瘳又聞天山下羽檄星馳投討賊事未已母乃邦之簪上

報

天子命下爲黎元籌羣公方濟世賤子復何求

再呈律原

古人守一官或以終其世量材而受職非必皆顯任所行卽所學出處總一致贏秦亂天紀仕者惟師吏儒生皆恥之抱道守空器學行與治術此事遂爲二漢帝求遺經腐儒不曉事遂令英雄主亦但虛延致

聖朝養士崇學官普天寅卯唔少及壯寵祿眩所志尙昧古是非何知今利弊一朝幸通籍世事仍聾聵兵刑與錢穀乃始問涯際所以稱賢能往往今督異匪云論資格道重在歷試君始學古先人稱好文字及後作刑官名法乃無滯今茲察三郡課績君其最長者嗜好殊久淹亦非計

道光十年九月至武陵謁趙文恪公墓有作

沅水洞庭外同流出海門我家桐子國來問楚江源芳芷
牽離夢秋風黯病魂平生重一諾況乃負私恩

海外紛持節傾心獨武陵一誠終結

主大德不矜能蠻徼遺祠廟

朝廷失股肱豐碑

明詔在衡岳共峻嶒

嶺表棲遲日諮詢蚤夜周每聞天下計獨抱盛時憂弟子
言容慙羣公忌未休遺編終不朽腸斷海東遊

烽火傳來急天山有困城驅回紹馬遠望吉林兵

聖主頻宵旰先臣隔死生松楸風雨夜應是不平鳴

古人通氣誼原不閒存亡竟感精靈接翻令遊子傷赴喪

退白馬師事永秋陽再拜從茲去迢迢千里望
陵城下是
良公季子敦詒有事先塋夢公呼之日
馳光起有遠客至矣迪光敦詒字也

十月二十七日武陵臨沅門外別趙惕吾

敦訓

鄆麓

敦詒兄弟

我今歸治任愧子贈瓊瑤風雪滿江去回頭水國遙長松
翳邱壘慈竹上青霄鄭重庭闈樂相期及後凋

噭噭天際雁又作故鄉聲客去雁方至難爲別酒傾沅江
芳芷歇皖水暮潮生上下流波接知君憶我情

贈武陵胡光伯

焯

怪君才似張亨甫冠帶年華好句傳流水桃萼時獨問湘
蘭澧其誰舉祇今詞賦追前代他日功名屬後賢聞道
玉關烽火急可無奇計勒勒燕然

望湘

不渡湘江水憑書報屈原恐因今偃蹇翻感古精魂日黯
歲將莫天高雪又屯芬芳竟已矣含涕問荃蓀

寄鄧湘臯時君爲甯鄉學博增輯楚寶將成書來相
召余方亟歸不能赴也

鄧子文章今鳳麌湘南湘北無儒人公車十上不得意廣
文一官閑卻身艷宮使者問所職上書千言動顏色譚詩
方伯與分牋開府中丞時歎息教士由來則古先楚中文
獻未應湮襄陽耆舊傳勤續汝南不獨擅先賢句蒐字討
已盈尺學舍艸深頭盡白炊冷終朝忘苦饑書成百代聊
爲役絕業高名動世忌貞錦青蠅日紛至卑官落拓尙如
此蜀道嶮巇足心悸我從江北扁舟來漢壽城邊秋艸衰

爲憐屈賈生同恨不渡湘江心自哀別子五年多苦詠北
風寒厲摧衰病時方患癰疾天邊冷雁無定飛一紙書來淚先
迸聞道四方旱潦多

九重宵旰定如何悲笳又動天山雪十二金城再枕戈世
事誰從詹尹卜知君終爲蒼生哭登舟明發且逡巡耿耿
旆頭江水蘆

後湘二集卷第五終